



ԵՐԵՎԱՆ ՔԱՂԱՔԻ ԱՌԱՋԻՆ ԱՏՅԱՆԻ ԸՆԴՀԱՆՈՒՐ
ԻՐԱՎԱՍՈՒԹՅԱՆ ՔԱՂԱՔԱՑԻԱԿԱՆ ԴԱՏԱՐԱՆ
ԱԶԱՓՆՅԱԿ-2 ՆՍՏԱՎԱՅՐ

(ՀՀ, համայնք ԵՐԵՎԱՆ, ԱԶԱՓՆՅԱԿ, ՀԱԼԱԲՅԱՆ Փ., շենք 41Ա, 10-ԲԴ ՀԱՐԿ)



ՈՐՈՇՈՒՄ

Հայցադիմումը վարույթ ընդունելու, պատասխանողից ապացույցներ
պահանջելու

և դատական ակտի հրապարակման օր նշանակելու մասին

2024թվականի հունիսի 26-ին
քաղաքում

Երևան

Երևան քաղաքի առաջին ատյանի ընդհանուր իրավասության
քաղաքացիական դատարանի դատավոր Ն.Ավետիսյանս ծանոթանալով
«ԱՐՏԴԻԱՆՇԻՆ» ՍՊ ընկերության կողմից ներկայացված հայցադիմումին և
կից փաստաթղթերին.

Պ Ա Ր Չ Ե Ց Ի

«ԱՐՏԴԻԱՆՇԻՆ» ՍՊ ընկերության ներկայացուցչի կողմից հայցադիմում
է ներկայացվել դատարան ընդդեմ ՀՀ Պետական եկամուտների կոմիտեի՝ ՀՀ
պետական եկամուտների կոմիտեի՝ «ԱՐՏԴԻԱՆՇԻՆ» ՍՊ ընկերությանը
գնումների գործընթացին մասնակցելու իրավունք չունեցող մասնակիցների
ցուցակում ներառելու մասին կայացված որոշումն անվավեր ճանաչելու
(վերացնելու) պահանջի մասին:

ՀՀ քաղաքացիական դատավարության օրենսգրքի 234.6-րդ հոդվածի 1-ին մասի համաձայն՝ դատարանը հայցադիմումը վարույթ ընդունելու հարցը լուծում է այն ներկայացվելուց հետո՝ եռօրյա ժամկետում:

Նույն հոդվածի 2-րդ մասի համաձայն՝ հայցադիմումը վարույթ ընդունելու հետ միաժամանակ դատարանը կայացնում է որոշում՝ պատասխանողից տվյալ գնման գործընթացի հետ կապված պատասխանողի տիրապետման տակ գտնվող բոլոր ապացույցները պահանջելու մասին:

ՀՀ քաղաքացիական դատավարության օրենսգրքի 234.6-րդ հոդվածի 3-րդ մասի համաձայն՝ ապացույցներ պահանջելու վերաբերյալ որոշումը կատարվում է պատասխանողի կողմից որոշումը ստանալուց հետո՝ հնգօրյա ժամկետում:

Նույն մասի երկրորդ պարբերության համաձայն՝ նախատեսված ժամկետում պատասխանողի կողմից ապացույցներ պահանջելու վերաբերյալ որոշման պահանջները չկատարվելու դեպքում գործը քննվում է դրանում առկա ապացույցների հիման վրա, իսկ հայցվորի վկայակոչած այն փաստերը, որոնք ենթակա են հաստատման պատասխանողի տիրապետման տակ գտնվող ապացույցներով, համարվում են հաստատված:

Ուսումնասիրելով ներկայացված հայցադիմումը, կից փաստաթղթերը, գտնում եմ, որ այն պետք է ընդունել վարույթ, քանի որ առկա չեն հայցադիմումի ընդունումը մերժելու կամ այն վերադարձնելու հիմքերը:

Միաժամանակ, ՀՀ պետական եկամուտների կոմիտեից պետք է պահանջել «ՊԵԿ-ԲՄԱՇՁԲ-21/4» ծածկագրով մրցույթի հետ կապված իր տիրապետման տակ գտնվող բոլոր ապացույցները:

Դեկլարավելով ՀՀ քաղաքացիական դատավարության օրենսգրքի 199-րդ հոդվածով, Դատարանը

Ո Ր Ո Շ Ե Ց

1.«ԱՐՏԴԻԱՆՇԻՆ» ՍՊ ընկերության կողմից ներկայացված հայցադիմումն ընդդեմ ՀՀ Պետական եկամուտների կոմիտեի՝ ՀՀ պետական եկամուտների կոմիտեի՝ «ԱՐՏԴԻԱՆՇԻՆ» ՍՊ ընկերությանը գնումների գործընթացին մասնակցելու իրավունք չունեցող մասնակիցների ցուցակում ներառելու մասին կայացված որոշումն անվավեր ճանաչելու (վերացնելու) պահանջի մասին, ընդունել վարույթ:

2. ՀՀ պետական եկամուտների կոմիտեից պահանջել դատարան ներկայացնել «ՊԵԿ-ԲՄԱՇՁԲ-21/4» ծածկագրով մրցույթի հետ կապված իր տիրապետման տակ գտնվող բոլոր ապացույցները:

3.Ապացույցներ պահանջելու վերաբերյալ որոշումը պատասխանող ՀՀ

պետական եկամուտների կոմիտեի կողմից պետք է կատարվի սույն որոշումը
ստանալուց հետո՝ հնգօրյա ժամկետում:

4. Եզրափակիչ դատական ակտը հրապարակել 2024թվականի հուլիսի
25-ին:

5. Որոշումն ուժի մեջ է մտնում կայացման պահից:

Գատավոր՝ Նահրա Ավետիսյան

Տվյալ ֆայլերին կարող եք ծանոթանալ նաև մուտք գործելով "[Էլեկտրոնային դատավարություն](http://cabinet.armlex.am)" համակարգ՝
cabinet.armlex.am